



## Universitätsbibliothek Paderborn

### **D. Ioannis Ivsti Lanspergii Carthvsiani, Natione Bavari, Opvscvla Spiritvalia**

ab ipso Autore partim Latinè, partim Germanicè euulgata

Orationibvs Variis, Et Ignitis aspirationum iaculis ad Deum, Deiparam  
Virginem Mariam, cæterosq[ue] Sanctos - exercitijs item diuersis, tum  
maximè Paßionis Dominicæ, eiusq[ue] matris, refertißimus

**Landsberg, Johannes Justus**

**Coloniae Agrippinae, 1630**

In Librvm Hymnorvm Piorvm. Præfatio.

[urn:nbn:de:hbz:466:1-45928](https://nbn-resolving.org/urn:nbn:de:hbz:466:1-45928)



**H**ymnorum ac spiritualium cationum etiam in Christi Ecclesia vsus celebrem ac vetustum fuisse, (vt alia prætermittamus) vel inde satis liquet, quod eloquentissimus ille Philo Iudæus (quem ad colloquium Principis Apostolorum Petri, Roma Diuini verbum concionantis fama est peruenisse) libro illo, qui de Vita contemplatrice inscribitur, affirmat eius sectatores quos *θεωρητάς* appellat, quos certum est Christianos fuisse, apud Alexandriam, non solum contemplationi vacasse, sed nonos etiam hymnos, carmina & laudes in Deum omni genere grauiorum numerorum, atq; rhythmorum composuisse. Quod postmodum ita constat tototerrarum orbe ab Christi fidelibus receptum, vt vsque in hunc diem in sacris adibus hymni Deo consoni vocibus promantur. Ex qua re vel id vnum perspicue potest intelligi, magnam in eiusmodi pietatis officio esse vtilitatem. Testatur hoc Apostolus ipse, qui etiam ad priuatim decantandos hymnos Christi fideles adhortans, ita scribit: **Verbum Christi habitet in vobis abundanter in omni sapientia, docentes & commententes vobismetipso psalmis, hymnis & canticis spiritualibus, in gratia cantantes in cordibus vestris Deo.** Inde factum est, vt viri sanctissimi ac eruditissimi, alij post alios dulces ac tinnulos consecerint hymnos, quibus psallentium animi in Deum suauiter instammentur. Quos imitatus noster Lansbergius, multos etiam ipse hymnos composuit, cum primis pios, ac eruditos, quibus torpentes animi, si in silentio suauius attentæ & iucunda cordis modulatione decantentur, possint haud vulgærter excitari ad amorem Christi. Vbi aliquid manibus operandum est, ne animus nimium sese in externas actiones effundat, vtilissimum est piam aliquam eius generis cationem mente depromere vel etiam ore, si cui sic magis libeat. Deinde etiam cum inordinatus moror vexat hominem, pellendus est, aut certe mitigandus hymnis & canticis spiritualibus, accedens eo auctoritate Iacobi Apostoli, ita dicentis: **Tristatur aliquis in vobis, oret & quo animo aut psallat.** Iam verò qui necdum possunt pennis contemplationis libere sursum ferri, in eiusmodi hymnis per rhythmos digestis, quales ferè sunt Lansbergij nostri, id habent commodum, vt sub paucis verbis magna ipsis proposita materia meditandi, facile possint animum ab enagatiõibus colibere, sese occupare fortius in Deo, eidemq; feliciter vnire in interiori homini, si breuitatem verborum in piam meditationem, vel mentis ad Deum aspirationem extendant, & mente excedant in Deum. Qua nos propterea commemorata volumus, vt lector maiori studio excipiat. Hymnos Lansbergianos: non enim temerè vir ille his conscribendis nauauit operam, sed propria doctus experientia, quantum eorum prodesset vsus, scripsit eos in rem suam & piorum omnium. Nec est quod quisquam in eis causetur non esse carminum leges exactè obseruatas: satis fuit viro optimo & pssimo inuare pietatem. Cerè etiam in plerisq; hymnis ecclesiasticis neglectam esse syllabarum quantitatem apertissimum est, vt hic non commemore plerosq; doctissimos viros hac in parte fuisse negligentiores. Nihil hoc admodum refert, modo verborum sensus pius sit. Denique paucis hoc adijciendum puto: studiosos bonarum artium, & quotquot studijs intenti sunt, Christo rem gratissimam & sibi consultissimam facturos, si subinde remissa acris in studia animi intentione, aliquem hymnum secum dulciter concinant: quemadmodum de illo eruditissimo ac nobilissimo viro Ioanne Pico Mirandulano literis annotatum est.

Coloss. 3.

Iacob. 5.

Hoc enim decet maximè Christianum, sepe animum reuocare ad Deum, & in illum omnia sua dirigere. Vale optime Lector.